

Mbanjmunz miz canghsuenqmingh ndeu, de gag haenh bonjfaenh dwg “saenzsien roengz lajbiengz”, ndaej rox gij saeh doenghbaez caeuq daengzcog, dauqcawq yaeuh vunz aeu ngaenz.

Miz baez ndeu, ndaw mbanj meh Daeghaij loq raen miz caeg haeuj ranz caeg doxgaiq, caemhcai q gaj lan de dai bae. Meh Daeghaij roxnyinh mbouj gitleih, couh bae ra canghsuenqmingh. Canghsuenqmingh rox meh Daeghaij miz di ngaenz, couh gyajcang doeksat luenh naeuz: “Aeya! Mbouj ndei lo.” Meh Daeghaij sawqmwh naj heu caez, cam de vihmaz mbouj ndei. Canghsuenqmingh naeuz: “Mbouj mauhgyaq 3 ngoenz, ranz mwngz yaek saetcaiz, baihoengnamz miz caeg daeuj caeg huq mwngz.” Meh Daeghaij dingq le, lumj deng byajbag nei ndang saenzdwdwd, gag naemj: Suenq ndaej caen lingz ha, caeuq gij loq gou doxdoengz. Meh Daeghaij couh gouz canghsuenqmingh bang de siu caihu. Canghsuenqmingh ngeix yaep ndeu le, naeuz: “Bang mwngz gou mbouj lau haemzhoj, gou ndaej bae gouz bing gwnzmbwn daeuj gaemh vunzyak, couh ndaej siu cainanh mwngz bae. Mboujgyaq, mwngz aeu ok di ngaenz hawj gou bae cawx di yieng caeuq ceijcienz.” Meh Daeghaij baez dingq couh dawz 10 maenz ngaenz hawj canghsuenqmingh.

Meh Daeghaij maranz le, couh lwnh gij saeh neix hawj Daeghaij nyi. Daeghaij mbouj mizsin, roxnyinh daxmeh deng canghsuenqmingh yaeuh lo, ndawsim gag maeuz hwnjdaeu.

Gvaq le 3 ngoenz, canghsuenqmingh daeuj ranz Daeghaij, doiq meh Daeghaij naeuz: “Caeklaiq gou heuh

Canghsuenqmingh Deng Yaeuh

算命先生被骗

□ Yen Byauh / 彦飙

bing gwnzmbwn daeuj gaemh vunz-yak bae gaj, ranz mwngz cijndaej bingzan fouz saeh, mwngz aeu docih bing gwnzmbwn.” Baenzneix, canghsuenqmingh youh yaeuh meh Daeghaij aeu bae 20 maenz ngaenz.

Ngoenz daihngaih, daeglwg canghsuenqmingh ngamq rim bi baenzbingh, mehyah de mbouj youq ranz, canghsuenqmingh couh umj daeglwg de bae yihyen ndaw singz yw. Ndaw mbanj seizhaenx caengz doengci, liz ndaw singz miz 8 goeng-leix gvae, gij loh youh gumxgumx gamxgamx, baeg dwk de ndang naiq ga naet caez, byaij geij yamq couh dingz roengzdaeu yietnaiq. Liz ndaw singz lij miz 2 goengleix, daengz diuz lohnga he, miz mehmbwk oi q he gyaep hwnj, gangj de bae ranz daxmeh de youq ndaw singz, boux vunz he lau, siengj caeuq canghsuenqmingh caemh loh byaij, ndigah song boux doq byaij doq ganggoj. Canghsuenqmingh gangj de umj lwg bae yihyen ndaw singz yw bingh.

Mehmbwk neix raen canghsuenqmingh umj lwg gig dwgrengz, couh naeuz: “Godaih, neix dwg lwg mwngz ba! Yawj mwngz baenzneix baeg, gou bang mwngz umj lwg yaep he.” Canghsuenqmingh lumj doenghgo

raen fwncin nei, doq docih mehmbwk neix, doq dawz lwg hawj mehmbwk neix bang umj, song boux laebdaeb byaij. Yaep ndeu, mehmbwk neix youh naeuz: “Godaih, seizneix hwnq lai, mwngz ga naiq byaij ndaej menh, lwnyeiz souh mbouj ndaej, gou umj de byaij gonq, youq bakdou aen diemqgaibaengz ndaw singz caj mwngz.” Canghsuenqmingh raen naj daeglwg rim hanh caez, couh dapwngq lo.

Mehmbwk neix daeuj daengz aen diemqgaibaengz, couh genj gij baengz gwnz gyaq hab’ ei q, heuh bouxgai-baengz rau 5 ciengh, suenq ngaenz bae 35 maenz. Mehmbwk doiq bouxgaibaengz naeuz: “Gij baengz neix dwg cawx hawj daxmeh gou, de seizneix baenzbingh youq ranz, gou dawz baengz bae hawj de yawj hab mbouj hab gonq, cingj mwngz bang gou ngonz laeq lwnyeiz neix.” Bouxgaibaengz siengj, miz laeq lwnyeiz neix youq, lij lau de buet ha, couh naeuz: “Mwngz vaiq bae vaiq dauq ciengeiz gaej hawj gij baengz neix uq le youh mbouj cawx.” Baenzneix, mehmbwk neix ce lwnyeiz canghsuenqmingh roengz couh dawz baengz byaij deuz lo.

Caiq gangj canghsuenqmingh byaij daengz bakdou diemqgaibaengz seiz, raen daeglwg swheij naengh

youq henz bouxgaibaengz, mehmbwk haenx gaenq mbouj raen, de byaij gvaqbae umj daeglwg yaek byaij. Bouxgaibaengz baez raen, couh gaem fwngz canghsuenqmingh naeuz: “Vei! Ngaenz baengz mwngz caengz hawj gou, couh siengj umj lwnyeiz bae?” Canghsuenqmingh deng loengh ndaej geizheih, couh cam: “Gij ngaenz baengz? Gou youh mbouj cawx baengz mwngz gvaq.” Bouxgaibaengz han naeuz: “Gij baengz haenx dwg mehyah mwngz aeu bae, de cuengq lwnyeiz youq gizneix hawj gou bang ngonz.” Canghsuenqmingh youh caj yaep he mbouj raen mehmbwk haenx dauq, gig simgaenj, lau nguh gij bingh lwg, yw mbouj ndaej gib, couh dawz ngaenz okdaeu hawj ngaenz baengz, umj lwg doq ganj bae yihyen.

Canghsuenqmingh umj lwnyeiz byaij daengz gwnz gai seiz, Daeghaij byaij daengz baihnaj de naeuz: “Godaih, mwngz rox suenqmingh baenzlawz suenq mbouj ok ngoenzneix rox deng vunz yaeuh ne? Gaeu bae 30 maenz ngaenz mwngz yaeuh daxmeh gou, seizneix gou boiz hawj mwngz 5 maenz.” Canghsuenqmingh gaem 5 maenz ngaenz youq gyangfwngz, hauj-lai nanz gangj mbouj ok saek coenz vah.

Yenzlaiz, mehmbwk oi q haenx dwg dahlan meh Daeghaij. Daeghaij caeuq de siengj ok aen fap neix daeuj hawj canghsuenqmingh deng hit.



Liuz fuyencangj bineix 45 bi, guh fuyencangj gaenq miz 5 bi lo, geij ngoenz neix de cingqging guh yencangj.

Hwnz ndeu, de laebdaeb guh 3 aen fangzhwnzloq. Aen daih’ it loq raen swheij daenj yijyih gang liengj, aen daihngaih loq raen swheij youq gwnz ciengz hai danci, aen daihsam loq raen swheij caeuq dahnax laeng doiq laeng lohgangh ninz.

Haet daihngaih de baez ndiu, couh lwnh sam aen loq neix hawj mehyah de nyi, cam mehyah de gij loq neix dwg maz ei qsei. Mehyah de dingq le dinghdingh yawj de yaep ndeu, naeuz: “Loq raen daenj yijyih lij gang liengj, neix dwg doyawz; loq raen youq gwnz ciengz hai danci, neix dwg byaij haeuj lohgunz bae; loq raen caeuq dahnax caemh ninz, neix dwg mwngz doeng ngeix sae siengj.” Mehyah de gangj daengz neix, bwnda nyaeuqnyat dwk danqheiq naeuz: “Ai! Daj gij loq

neix daeuj yawj, mwngz siengj guh yencangj hoj lai lo.”

Liuz fuyencangj baez dingq couh ngunh bae lo, mehyah de sikhaek dawz de bae yihyen ciengjgouq. Guh sat gak cungj genjcaz, hix caz mbouj ok dwg maz bingh. Ngoenz ndeu gvaqbae lo, Liuz fuyencangj lij caengz singj dauq, canghyw hix mbouj rox baenzlawz guh.

Gyanghaemh, yahdaiq dingq-naeuz lwggwiz bingh lo, youq mbouj baenz ninz mbouj onj. Haet laeng romhromh ganj daeuj yihyen yawj lwggwiz. Deq de rox lwggwiz vihmaz bingh seiz, fwt bongx mbaq lwggwiz mbat ndeu, angq dwk naeuz: “Loq ndei! Loq ndei! Daenj yijyih caemh-caiq gang liengj dwg sueng baujiyiemj; youq gwnz ciengz hai danci dwg mwngz ak gvaq vunz; caeuq daxnax laeng doiq laeng ninz, mwngz haet-haemh aeu fanndang.” Vah yahdaiq ngamq gangj sat, Liuz fuyencangj couh singj gvaqdaeu lo.

Liuz fuyencangj baez singj, raen yahdaiq riunyumnyum coh de, sawqmwh “ho ho” sing hung riu 3 baez, bingh sikhaek ndei, gaenlaeng couh ok yihyen maranz lo. Mbouj geij nanz, Liuz fuyencangj caen habhoz dwk ndaej guh yencangj dahraix. 5 bi neix daeuj, gij saedceij ranz Liuz yencangj gvaq ndaej diemzswdswd.

Seizneix cingq dwg gij seizgeiz vuenhgaiq youqgaenj. Hwnz ndeu, Liuz yencangj youh laebdaeb guh 3



Dujva dinbya dak ndit seizcin raeujrubrub.

Dozsw

aen fangzhwnzloq, gij loq neix caeuq gij loq 5 bi gonq doxdoengz, mbouj ca saekdi.

Haetromh baez ndiu, Liuz yencangj lwnh gij saeh neix hawj mehyah de nyi, mehyah de baez dingq, gikdoengh dwk got bouxgvan ndaetrad, youq goekrwz bouxgvan gangjsebseb: “5 bi gonq daxmeh gou naeuz gij loq neix dwg loq ndei, caen dahraix. Mwngz laebdaeb guh yencangj miz muengh lo!” Seizneix Liuz yencangj yiet ninz youq gwnzmbonq, song da

cim coh denhvahbanj ngeixngwdngwd, cij riunyumj mbouj ok sing.

Mehyah de vuenheij dangqmaz, baez hwnqmbonq couh dwk denva lwnh gij saeh neix hawj daxmeh de nyi. Hoeng, daxmeh de mbouj gangj saek coenz vah, cij danqheiq, de lix ndaej nanz, bungq saeh ndaej lai, de rox gwnzbiengz saehndei mbouj miz mbat moq.

Mbouj geij nanz, Liuz yencangj mboujdan mbouj ndaej lienzyaemh guh yencangj, lij deng songgvi lo.